

- 1★ اوپریشن سندور غا پس منظر مانہ دہشت گردی غی روک تھام با رے بھارت غا عزم نانہہ اُجاگر کرن واسطے حکومت کُل جماعتی وفد 32 مُلکاں غا دورہ ور ٹورے گی۔
- 2★ جل شکتی تے قبائلی امور غا وزیر جا وید احمد رانا نے کہیو ہے جے حکومت جموں کشمیر غا ہر کونہ توڑی ترقی یقینی بناوے گی۔
- 3★ بھارتی فوج نے کہیو ہے جے بھارت تے پاکستان غا ڈائریکٹر جنرل ملٹری اوپریشن غے بشکار اچ کوئے گل بات نہیں ہے۔
- 4★ محکمہ جل شکتی نے سال 25/2024 غے دوران جموں کشمیر غا 6 ہزار 1 سو 22 گرائیاں مانہہ پین غا پانی غا 2 لکھ 66 ہزار نموناں غی جانچ کی ہے۔
- 5★ تے آئی پی ایل کرکٹ مانہہ اچ شام ساڈھے 7 بجے دہلی کیپٹلز غو مقابلو گجرات ٹائٹنز سنگ دہلی غا ارون جیٹلی سٹیڈیم مانہہ وے گو۔

All Party Delegations

پا رلیمانی امور غا وزیر کرن رچی جو نے 7 کُل جماعتی وفود غو اعلان کیو ہے۔ جھیڑا اوپریشن سندور غے تحت بکھ بکھ اہم مُلکاں غودورو لاغے دہشت گردی غے خلاف بھارت غا احتجاجی عظم با رے جانکاری دیں گا۔ سماجی میڈیا غی اک پوسٹ مانہہ رچی جو نے اچ وفداں مانہہ شامل ممبران پا رلیمنٹ غی فہرست شئیر کی ہے۔ جھیڑا اس متحدہ فرنٹ غی نمائندگی کریں گا۔ 59 ممبران پا رلیمنٹ ور مشتمل 7 وفد کُل 32 مُلکاں غودورو لا ویں گا۔ ہر وفد مانہہ اک رٹائرڈ سفیر وی شامل ویگو۔ تجربہ کار سیاستدان غلام نبی آزاد، سینئر نیشنل کانفرنس لیڈر میاں الطاف تے گجر طبقہ سنگ منسلک بی جے پی غا لیڈر غلام علی کھٹانہ ان بکھ بکھ وفداں مانہہ شامل ہو غے جموں کشمیر غی نمائندگی کریں گا۔ آکاشوانی غا نمائندہ نے جانکاری دیتاں واں دسیو ہے جے ان وفداں غا پہلا گروپ غی قیادت بی جے پی غا ایم پی بیجیات پانڈا کریں گا۔ جن غی قیادت آلو وفد سعودی عرب، بحرین، کویت تے الجیریا غودورو لا وے گو۔ اسی وفد مانہہ غلام نبی آزاد، بی جے پی غا ایم پی نیشی کانت دُبے تے اے آئی ایم آئی ایم پی اسعد الدین اوویسی شامل ویں گا۔ دوجا وفد مانہہ کانگریس غا ایم پی ڈاکٹر امر سنگھ، شوسینا یوبی ٹی غی ایم پی پرینکا چتر ویدی بی جے پی غا ایم پی غلام علی کھٹانہ تے سابق مرکزی وزیر ایم جے اکبر شامل ہیں۔ تے اس گروپ غی قیادت بی جے پی غا ایم پی روی شنکر پرساد کر ریا ہیں۔ یوہ گروپ برطانیہ، فرانس، جرمنی، یورپی یونین، اٹلی تے ڈنمارک غودورو لا وے گو۔ تیجا وفد غی قیادت جے ڈی یو غا ممبر پا رلیمنٹ سنجے کمار جھا کر ریا ہیں۔ جھیڑو انڈو نیشیا،

ملايشيا، جنوبى كو ريہ، جاپان تے سِنگا پور غودورو لا وے گو۔ اس گروپ مانہ ترنمول كا نگرىس غا ايم پى يوسف پٹھان سى پى آئى ايم غا جان بريٹس تے كانگرىس ليڈر سلمان خورشيد شامل ويں گا۔ چوتھا وفد غى قيا دت شو سينا غا ممبر پا رليمنٹ شرى كانت ايكناتھ شندے كر رپيا ايں۔ جس مانہ بى جے پى غى بنسورى سوراج، بى جے پى غا سسمت پاترا، آئى يو ايم ايل غا اى ٹى محمد بشير تے سابق مركزى وزير ايس ايس آبلو واليا شامل ايں۔ يوه وفد متحده عرب امارات، سائبريا، كانگو تے سيرا ليون غودورو لا وے گو۔ كا نگرىس غا ممبر پا رليمنٹ ششى تهرور غى قيا دت مانہ پنجوون وفد امريكہ، پانامہ، گويانہ، برازيل تے كولمبيا غودورو لاوے گو تے اس گروپ مانہ جے ايم ايم غا ممبر پا رليمنٹ سرفراز احمد ايل جے پى غا شمبهاوى، ٹى ڈى پى غا جى ايم برىش بالايو گى تے شو سينا غا ايم پى مُرلى ديولا شامل ويں گا۔ ڈى ايم كے غى ممبر پا رليمنٹ كانى موزى كاروناندھى غى قيا دت مانہ چھيوون وفد سپين، گرويس، سلو وانيا، لتا وايہ تے روس غو دورو لا ويگو۔ جس مانہ نيشنل كا نفرنس غا ممبر پا رليمنٹ مياں الطاف احمد، سماج وادى پا رٹى غا راجيو رائے تے آر جے ڈى غا ايم پى پريم چند گپتا شامل ويں گا۔ ستواں تے آخرى وفد مانہ بى جے پى غا راجيو پرتاپ روڈى، آنوراگ سنگھ ٹھاکر، سابق مركزى وزير وى مُرلى دھرن تے كانگرىس غا ايم پى منيش تيوارى شامل ويں گا۔ اين سى سى پى غى (ايس سى پى) غى ممبر پا رليمنٹ سُريا سولے غى قيا دت آلو ستوون وفد مصر، قطر، اِتھوپيہ تے جنوبى افريقہ غو دورو لا وے گو۔

Rana Progress

گرائيں علاقان مانہ سڑك رابطہ بہتر بنان غى خاطر جل شكتى تے قبائلى امور غا وزير جا ويد احمد رانا نے برنى تين بى جى روڈ بالاكوٹ غے بشكار 8 كلو ميٹر لمى سڑك ور لُك پان غو كم شروع كرايو۔ اس سڑك غو فائديو مقامى تے كول كال غا گرائياں غا لوكان نانہ وے گو۔ اور اس سڑك ور لُك پين سنگ لوكان غى ديرانہ مانگ پورى ہو ئى ہے۔ اس موقعہ ور بولتاں واں جاويد احمد رانا نے لوكان نانہ مبا ركباد پيش كى اور گرائيں علاقان مانہ ڈھانچہ غى ترقى با رے وزير اعلىٰ عمر عبداللہ غى قيا دت مانہ چلائى جا ربهى سركار غا عزم نانہ دُبرايو۔ اُنہاں نے كہيو جے سركار ديہى ڈھانچہ غى ترقى واسطے واعده بند ہے اور مجموعى طور ور علاقائى ترقى نانہ تيز كيو جا ربيو ہے۔ جا ويد احمد رانا نے يوه وى كہيو جے ہم ترقى غو فائديو جمون وكشمير غا ہر كونہ غا لوكان توڑى پچانو يقينى بناواں گا۔

Army DGMO Talks

بھارتی فوج غو کہنو ہے جے بھارت تے پاکستان غا ڈائریکٹر جنرل ملٹری اوپریشنز غے بشکار آج یعنی اتوار غے روز کوئے دو طرفہ گل بات غو شیڈیول طے نہیں ہو وُ تھو۔ دوہاں مُلکاں بشکار بوئی فائر بندی غا وقفہ مانہ۔ اج ہون آلا خاتمہ بارے کی جا رہی قیاس آرائی غی وضاحت کرتاں واں فوج غو کہنو تھو جے جت توڑی دوہاں مُلکاں بشکار دشمنی مانہ کیا گیا وقفہ غو تعلق ہے اس غا خاتمہ غی تاریخ طے نہیں کی گئی ہے۔ فوج غا اک عہدیدار غو کہنو تھو جے آج یعنی اتوار غے روز دوہاں مُلکاں بشکار کوئے دو طرفہ گل بات طے نہیں کی گئی تھی۔

Tiranga Rally

ریا سی قصبو آج حُب الوطنی غا جذبہ سنگ سرشار دیکھیو گیو، جت بڑی تعداد مانہ شہریاں نے ترنگا ریلی غے ذریعے اوپریشن سندور مانہ بھارت غی بھرپور فتح غو جشن منایو۔ بھارت غی عظمت بارے یا ترہ غا اک حصہ غا طور ور منعقد کی گئی اس ریلی غے ذریعے شہریاں نے بھارت غا مُسلح دستاں غی بہادری نانہ خراج تحسین پیش کرتاں واں قوم غا اتحاد تے جذبہ ورلوہ پائی۔ قیادت نے اختیار دیہی غو مظاہرہ کرتاں واں خواتین نے اس ریلی غی قیادت کی۔ آکاشوانی نیوز سنگ گل کرتاں واں مقامی افراد رینو شرما تے رگھو کیسر نے اپنا تاثرات غو اظہار کرتاں واں کہیو۔ بائٹ۔۔ اسے طرح سانہ مانہ وی بی جے پی غی طرفوں آج اک ترنگا ریلی غو انعقاد کیو گیو، تانجے سلامتی دستاں غا حوصلہ نانہ بدھایو جا سکے۔ اس ریلی مانہ بڑی تعداد مانہ بی جے پی کا رکن تے عام شہریاں نے شرکت کی۔ اس موقع ور سانہ، وجے پور تے رام گڑھ غا ایم ایل ایز سُرچیت سنگھ سلاتھیہ، چندرپرکاش گنگا، تے ڈاکٹر دیو ندرکمار منیال نے وی ریلی مانہ شرکت کی۔ آکاشوانی گا خبراں غا شعبہ سنگ گل کرتاں واں سانہ غا ایم ایل اے سُرچیت سنگھ سلاتھیہ نے کہیو۔ بائٹ۔۔

مزید خبراں نال طارق ابرار۔ ور اُس تیں پہلاں یوہ پیغام۔ (یہ خبر تم آکاشوانی جموں تیں سُن رہیا ہیں، تے یہ خبر مہاری ویب سائٹ نیوز آن آئیر ڈاٹ گوو ڈاٹ ان وروی دستیاب ہیں، اس تیں یہ خبر مہاری موبائل (ایپ تے ڈی ٹی ایچ وروی دستیاب ہیں

Water Testing

مرکزی زیر انتظام علاقہ مانہ دستیاب کرایو جان آلو پین غو پانی اک مضبوط تے شفاف طریقہ کار غے تحت اس غی باقاعدہ نگرانی غے نال استعمال واسطے محفوظ ہے۔ جموں کشمیر مانہ پانی غا معیار غی

نگرانی واسطے اک جامع نظام قائم کیو گیو ہے۔ جس مانہ 2 یو ٹی سطح تے 20 ضلع سطح غی این اے
بی ایل غی منظور شدہ لیبا رٹریاں تیں علا وہ 76 سب ڈویزن سطح غی جانچ سہولیات شامل این۔ مالی
سال 25/2024 غے دوران جموں کشمیر غا 6 ہزار 1 سو 22 گراں غو احاطو کرتاں واں کُل 2 لکھ 66 ہزار پانی غا
معیا ر غا ٹیسٹ کیا گیا این۔ ان وچوں صرف 78 نمونہ آلودہ پایا گیا۔

IPL

آئی پی ایل کرکٹ ٹورنامنٹ مانہ اچ شام ساڈھے 7 بجے ارون جیٹلی اسٹیڈیم دہلی مانہ دہلی کیپٹل غو
مقابلو گجرات ٹائٹنز سنگ وے گو۔ اچ غو میچ جتن تیں بعد گجرات پو اٹینٹ ٹیبل مانہ دوجا نمبر تیں اوپر ہو
غے پہلا نمبر ور آجا ئے گی۔ جد کہ دوجے پا سے دہلی کیپٹل 11 مقابلان مانہ 13 پوائنٹس حاصل کر غے
پنجواں نمبر ور ہے۔ واضع رہ جے دفا عی چمپئن کو لکتہ نا ئٹ رائڈرز ٹورنامنٹ تیں باہر ہو گئی ہے کیونجے
گذشتہ شام ایم چنا سوامی اسٹیڈیم بنگلورو مانہ کو لکتہ نا ئٹ رائڈرز تے میزبان رائل چیلنجرز بنگلور ر غے
بشکار میچ بھاری بارش غی وجہ نال بغیر ٹاس غے ہی چھوڑنو پے گیو تھو۔
